

Broj: 03-30/16-1717/22 AG
Sarajevo, 20.05.2022. godine

**EKONOMSKO-SOCIJALNO VIJEĆE
ZA TERITORIJU FEDERACIJE BOSNE I HERCEGOVINE
n/r gosp. Edhem Biber, predsjednik**

PREDMET: Prijedlog odluka o proširenju primjene granskih kolektivnih ugovora na sve poslodavce na teritoriji Federacije Bosne i Hercegovine, dostavlja se

Federalnom ministarstvu rada i socijalne politike dostavljena je inicijativa Udruženja poslodavaca u Federaciji Bosne i Hercegovine, te Sindikata radnika trgovine i uslužnih djelatnosti, Sindikata građevinarstva i industrije građevinskog materijala BiH, Samostalnog sindikata šumarstva, prerade drveta i papira Bosne i Hercegovine i Samostalnog sindikata saobraćaja i veza u BiH, za proširenje primjene sljedećih granskih kolektivnih ugovora:

- Kolektivnog ugovora o pravima i obavezama poslodavaca i radnika za djelatnost trgovine u Federaciji Bosne i Hercegovine (“Službene novine Federacije BiH”, broj: 85/21),
- Kolektivnog ugovora o pravima i obavezama poslodavaca i radnika za djelatnost građevinarstva u Federaciji Bosne i Hercegovine (“Službene novine Federacije BiH”, broj: 80/21),
- Kolektivnog ugovora za djelatnost drvne i papirne industrije u Federaciji Bosne i Hercegovine (“Službene novine Federacije BiH”, broj: 77/21),
- Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine (“Službene novine Federacije BiH”, broj: 103/21).

S tim u vezi, Federalno ministarstvo rada i socijalne politike je postupajući u skladu sa odredbom člana 143. stav 1. Zakona o radu („Službene novine Federacije BiH“, br. 26/16 i 89/18), sačinilo odgovarajuće prijedloge odluka o proširenju primjene navedenih kolektivnih ugovora na sve poslodavce na teritoriji Federacije Bosne i Hercegovine u djelatnostima na koje se pomenuti kolektivni ugovori odnose.

Na osnovu navedenog, a imajući u vidu da je odredbom člana 143. stav 2. Zakona o radu propisano da je prije donošenja odluke o proširenju primjene važnosti kolektivnog ugovora, federalni ministar rada i socijalne politike obavezan zatražiti mišljenje Ekonomsko-socijalnog vijeća za teritoriju Federacije Bosne i Hercegovine,

to Vam u prilogu dostavljamo prijedloge odluka o proširenju primjene navedenih granskih kolektivnih ugovora na sve poslodavce na teritoriji Federacije Bosne i Hercegovine radi davanja mišljenja, odnosno radi uvrštavanja istih na dnevni red naredne sjednice Ekonomsko-socijalnog vijeća za teritoriju Federacije Bosne i Hercegovine, uz napomenu da će navedeni prijedlozi odluka biti dostavljeni i elektronskim putem na e-mail: esvfbih@gmail.com.

S poštovanjem,

MINISTAR

Vesko Drlijača

Prilog: kao u tekstu

CO:

- Udruženje poslodavaca u Federaciji BiH
ul. Maršala Tita br. 6
71000 Sarajevo
- Delegacija sindikata u
Ekonomsko-socijalnom vijeću
za teritoriju Federacije Bosne i Hercegovine
ul. Vilsonovo šetalište br. 15
71000 Sarajevo